

Želite ojačati vlastite poduzetničke i menadžerske vještine?

Imate ideju za akceleraciju biznisa ?

Želite li osvojiti nova tržišta ili unaprijediti trenutnu prodaju?

Unaprijediti vlastiti start-up biznis kroz nove proizvode / usluge, digitalizaciju poslovanja, e-commerce, jačanje konkurentnosti, uvođenje novih tehnologija?

Dobiti podršku stručnjaka iz različitih oblasti i mentora u rastu i razvoju biznisa?

Upoznati se i umrežiti sa drugim poduzetnicima i uspješnim privrednicima?

Dobiti finansijsku podršku za realizaciju poslovne ideje?

prijavi se na:

NOVI CIKLUS JAVNOG POZIVA ZA UČEŠĆE U IMPAKT AKCELERATORU NA PODRUČJU TUZLANSKOG KANTONA

Uvodne informacije

Investicijska fondacija Impakt je u protekle četiri godine u saradnji sa 58 lokalnih zajednica i javnih službi za zapošljavanje u BiH realizirala Impakt inkubator poslovnih ideja, u kojem je podržano osnivanje i unapređenje preko 350 poslovnih poduhvata širom Bosne i Hercegovine. Investicijska fondacija Impakt i dalje nastavlja realizaciju aktivnosti koje se odnose na podršku razvoju poduzetništva i očuvanju radnih mjesta poduzetnika i malih preduzeća, a u saradnji sa lokalnim zajednicama, kantonima i službama za zapošljavanje u Bosni i Hercegovini.

Više informacija o inkubatoru poslovnih ideja dostupno je na www.impakt.ba.

Na osnovu iskustava i povratnih informacija od strane poduzetnika, uočena je potreba za zasebnim programom akceleracije odnosno programom podrške biznisima koji su prošli inicijalnu start up fazu (do godinu dana), a koji bi obuhvatao niz segmenata i instrumenata podrške kako bi se podržao opstanak i dalji razvoj ovih biznisa. U sklopu zajedničke saradnje sa Ministarstvom privrede Tuzlanskog kantona, realizirati će se program IMPAKT Akcelerator koji će, između ostalog, obuhvatiti program poslovne obuke, mentorstvo, profesionalne poslovne usluge, umrežavanje kao i priliku za finansijsku podršku s ciljem nabavke stalnih sredstava za najbolje ocijenjene poslovne ideje na području Tuzlanskog kantona, a najviše za 15 poslovnih poduhvata u maksimalnom iznosu do 19.999,99 KM.

Predmetni Javni poziv raspisuje se u svrhu prijave za učešće u programu razvoja poduzetništva u Tuzlanskom kantonu kroz Impakt akcelerator poslovnih ideja za 2024. godinu.

Cilj programa

Cilj Programa akceleracije biznisa na području Tuzlanskog kantona kroz IMPAKT Akcelerator je uspostava partnerstva relevantnih aktera u izgradnji poduzetničkog ekosistema i okruženja koje stimulira postojeće poduzetnike koji su prošli ranu start up fazu na dalji razvoj njihovog poslovanja. Cilj je ostvariti doprinos ekonomskom razvoju Tuzlanskog kantona i BiH, stimulirati inovacije, rast malih biznisa, komercijalizaciju njihovih usluga, razvoj cirkularne ekonomije, digitalizacije i slično.

Opis programa

IMPAKT Akcelerator predstavlja sveobuhvatan program akceleracije biznisa s ciljem ubrzanog razvoja i sastoji se iz slijedećih komponenti:

1. Poslovna obuka fokusirana na unapređenje poduzetničkih i menadžerskih vještina poduzetnika. Obuka se odvija u periodu od dva (2) do četiri (4) mjeseca, gdje će učesnici imati priliku da uz mentorstvo trenera i eksperata Investicijske fondacije Impakt rade na razradi poslovnih ideja u vidu poslovnog plana i poslovnog modela.
2. Mentorstvo će se realizirati grupno i individualno u skladu sa procijenjenim potrebama, a mogu uključivati teme poput digitalizacije, certifikacije, e-commerce-a, dizajn i redizajn, analiza i razvoj tržišta, zelena ekonomija i slično.
3. Priprema i realizacija prezentacije poslovnih ideja pred stručnom komisijom za ocjenu poslovnih planova.
4. Profesionalne poslovne usluge će rezultirati konkretnim vidovima podrške i alatima za učesnike programa, a u skladu sa definisanim potrebama što može uključivati, ali nije ograničeno na izradu web stranice, izradu marketing strategija, dizajn i redizajn proizvoda, i sl.
5. Umrežavanje obuhvata organizaciju networking evenata, podršku u povezivanju sa potencijalnim partnerima (dobavljačima, klijentima, donatorima, sponzorima, investitorima i sl).
6. Dodjela bespovratne finansijske podrške u iznosu do 19.999,99 KM za pozitivno ocijenjene poslovne poduhvate na području Tuzlanskog kantona, koji su uspješno završili sve segmente Programa. Sredstva će biti raspoloživa za maksimalno 15 poslovnih poduhvata. Namjena sredstava se odnosi isključivo na sticanje osnovnih (stalnih) sredstava i to: postrojenja i opreme, alata, pogonskog namještaja, nematerijalne imovine (patenti, licence, softverski programi, koncesije), i druga oprema i/ili alati u skladu sa specifičnim potrebama učesnika programa, a čiju opravdanost će procijeniti Komisija za validaciju poslovnih ideja

Da bi učesnik poslovne obuke mogao pristupiti narednoj fazi Programa, neophodno je da sa uspjehom završi prethodni modul obuke na način što će sve zadatke u analizi i razvoju poslovne ideje o skaliranju biznisa dobijene od strane mentora uspješno realizovati. Formalni uslov za završetak obuke je prisustvo na najmanje 80% sati obuke i da ima izrađen poslovni plan, poslovni model i finansijske projekcije.

Ko može aplicirati za program?

- Poduzetnik (vlasnik i/ili direktor) privrednog društva registrovanog u skladu sa Zakonom o privrednim društvima FBiH („Službene novine Federacije BiH“, br. 81/15 i 75/21) i/ili obrta registrovanog u skladu sa Zakonom o obrtu i srodnim djelatnostima FBiH („Službene novine Federacije Bosne i Hercegovine“, broj: 75/21) u osnovnom ili dodatnom zanimanju koji su registrovani ne kraće od 12 mjeseci i ne duže od 42 mjeseca do dana objave javnog poziva, sa sjedištem na području Tuzlanskog kantona, koji imaju ideju / potrebu za skaliranje biznisa i/ili ubrzani razvoj poslovnog modela;
- Poduzetnik (vlasnik i/ili direktor) privrednog društva registrovanog u skladu sa Zakonom o privrednim društvima FBiH („Službene novine Federacije BiH“, br. 81/15 i 75/21) i/ili obrta registrovanog u skladu sa Zakonom o obrtu i srodnim djelatnostima FBiH („Službene novine Federacije Bosne i Hercegovine“, broj: 75/21), u osnovnom ili dodatnom zanimanju koji su registrovani ne kraće od 12 mjeseci i ne duže od 42 mjeseca do dana objave javnog poziva sa sjedištem na području Tuzlanskog kantona zainteresovani za dodatni razvoj poduzetničkih i menadžerskih vještina, skaliranje biznisa, i ubrzani razvoj poslovnog poduhvata: novi proizvodi / usluge, izlazak na nova tržišta, diverzifikacija djelatnosti, digitalizacija poslovanja, e-commerce i sl.).
- Aplikanti koji su aplicirali u prvom krugu Javnog poziva i koji su prošli administrativnu provjeru, ali nisu bodovno zadovoljili kriterije za prelazak u narednu fazu evaluacije intervju.

Ciljna grupa:

- Poduzetnici (vlasnik i/ili direktor privrednog društva i/ili obrta u osnovnom ili dodatnom zanimanju) koji su registrovani ne kraće od 12 mjeseci i ne duže od 42 mjeseca do dana objave javnog poziva, sa sjedištem na području Tuzlanskog kantona, a koji:
 - uredno izmiruju direktne poreze, doprinose za PIO/MIO i zdravstveno osiguranje;
 - uredno izmiruju indirektne poreze, ukoliko su u sistemu PDV-a;

- nisu bili korisnici sredstava Ministarstva u 2023. godini za istu namjenu, izuzev korisnika sredstava programa subvencioniranja dijela kamatne stope privrednim subjektima sa područja Tuzlanskog kantona.

Propozicije učešća u Programu

Za učešće u IMPAKT Akceleratoru moguće je aplicirati sa poslovnom idejom koja kao rezultat podrazumijeva skaliranje biznisa i/ili ubrzani razvoj poslovnog modela: novi proizvodi / usluge, dizajn / redizajn postojećeg proizvoda / usluge, izlazak na inostrana tržišta, diverzifikacija djelatnosti, digitalizacija poslovanja, e-commerce i sl.

Prihvatljivi oblici poslovnog poduhvata su: privredno društvo, obrt i srodna djelatnost ili kao osnovna ili dodatna djelatnost.

Potrebna dokumentacija za prijavu na Javni poziv:

- Prijavni obrazac (Prilog 1);
- Fotokopija Rješenja o registraciji;
- Fotokopija ID broja;
- Fotokopija Obavještenja o razvrstavanju poslovnih subjekata prema klasifikaciji djelatnosti KD BiH 2010;
- Fotokopije Finansijskih izvještaja (Bilans stanja, Bilans uspjeha i Izvještaj o neto gotovinskom toku privredna društva i SPR 1053 obrazac za obrtnike) za godine od osnivanja poslovnog poduhvata do trenutka prijave;
- Original ili ovjerena fotokopija Uvjerenja o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH ili uvjerenje po osnovu urednog izmirenja dospjelih rata po sporazumu o plaćanju duga u ratama potpisan sa Poreskom upravom Federacije BiH – ne starije od 30 dana od dana objave ovog Javnog poziva,
- Original ili ovjerena fotokopija Uvjerenja o urednom izmirenju indirektnih poreza, izdato od Uprave za indirektno oporezivanje ili uvjerenje po osnovu urednog izmirenja dospjelih rata po sporazumu o plaćanju duga u ratama potpisan sa Upravom za indirektno oporezivanje - ne starije od 30 dana od dana objave ovog Javnog poziva (ukoliko je u sistemu PDV-a), odnosno potpisana i ovjerena Izjava od strane podnosioca zahtjeva da podnosilac nije u sistemu PDV-a, dostupna uz Javni poziv (Prilog 2);
- Izjava o neosuđivanosti i nevođenju postupka po osnovu privrednog kriminala – popunjena i potpisana od strane ovlaštenog lica i ovjerena pečatom poslovnog subjekta i ovjerena od nadležnog upravnog organa ili notara, dostupna uz Javni poziv (Prilog 3);

- Izjava o nesudjelovanju u koruptivnim radnjama – popunjena i potpisana od strane ovlaštenog lica i ovjerena pečatom poslovnog subjekta i ovjerena od nadležnog upravnog organa ili notara, dostupna uz Javni poziv (Prilog 4).

Napomena: Investicijska fondacija Impakt i Ministarstvo privrede Tuzlanskog kantona u postupku preSelekcije i selekcije učesnika Programa imaju pravo tražiti dodatnu dokumentaciju.

Aplikanti koji su aplicirali u prvom krugu Javnog poziva i koji su prošli administrativnu provjeru, ali nisu bodovno zadovoljili kriterije za prelazak u narednu fazu evaluacije - intervju, dostavljaju samo Prijavni obrazac (Prilog 1).

Ograničenja u vezi oblasti ili industrija iz koje dolaze poslovne ideje su one koje nalaže zakonodavstvo. Dodatno, nisu prihvatljive poslovne ideje koje imaju negativan uticaj na ljudsko zdravlje (npr. proizvodnja, prerada ili puštanje u promet alkoholnih pića ili duhanskih proizvoda, proizvodnja koja ima značajan uticaj na zagađenje ljudske okoline i slično). Nadalje, nisu prihvatljive djelatnosti pripreme i usluživanja hrane i pića (djelatnosti restorana, kafeterija, restorana brze hrane, mjesta za pripremu obroka za konzumiranje van objekta pripreme, kamiona za prodaju hrane, pokretnih kolica sa hranom, pripreme hrane na štandovima na tržnicama) kao ni djelatnosti kateringa i ostale djelatnosti pripreme i usluživanja hrane. Ovim se ne ograničavaju djelatnosti koje su povezane sa obukom, osposobljavanjem i poslovnim usavršavanjem kuhara, ugostitelja, itd. Neprihvatljivim će se smatrati djelatnosti trgovine na veliko i malo (motornim vozilima i motociklima, poljoprivrednim sirovinama i životinjama, proizvodima za kućanstvo, informacijsko-komunikacijskom opremom, strojevima, opremom i priborom, hranom i pićem, motornim gorivima, specijaliziranom robom, izvan prodavnica, štandova i tržnica, i slično). U slučaju da se radi o vlastitoj proizvodnji i trgovini na malo/veliko proizvedenim učincima, tada ne vrijedi prethodna odredba.

Također, neprihvatljivim djelatnostima će se smatrati djelatnosti turizma, prevoza stvari, roba i putnika, djelatnosti vozačkih škola te proizvodnju oružja i vojne opreme, primarna poljoprivreda izuzev prerađivačke djelatnosti, otvaranje kasina i drugih igara na sreću.

Evaluacija i odabir učesnika?

Prilikom evaluacije i odabira učesnika ocijenjivat će se:

- Inovativnost poslovne ideje za ubrzani razvoj;
- Proizvod / usluga (inovativnost, povratne informacije korisnika, održivost i ekološki aspekti);
- Nivo istraženosti tržišta i potencijali razvoja tržišta (veličina, rast, segmentacija tržišta);
- Konkurencija (identifikacija snaga i slabosti konkurencije);
- Tim (iskustvo, ekspertiza, vještine);

- Izvodljivost finansijskog plana;
- Izvodljivost poslovnog modela (da li je jasan i održiv poslovni model).

Evaluacija prijave odvijaće se u tri faze:

1. Administrativna provjera ispunjavanja uslova za apliciranje;
2. Procjena poslovne ideje za skaliranje biznisa/ubrzani razvoj poslovnog modela;
3. Intervju sa potencijalnim korisnicima Progama.

Kako aplicirati na Program?

Prijave i dokumentacija tražena Javnim pozivom podnose na jedan od sljedećih načina:

1. Lično ili poslati preporučenom poštom u zatvorenoj koverti na adresu: Investicijska fondacija Impakt, Šibenska 3, 7100 Sarajevo, sa naznakom: Prijava na Javni poziv za odabir korisnika Progama IMPAKT Akcelerator na području Tuzlanskog kantona. Na poleđini koverta obavezno navesti naziv podnosioca prijave, adresu i kontakt telefon.
2. Popunjavanjem online prijavnog formulara koji je dostupan na zvaničnoj web stranici Investicijske fondacije Impakt (www.impakt.ba) i Ministarstva privrede Tuzlanskog kantona (www.vladatk.kim.ba/) uz obavezno prilaganje dokumentacije tražene Javnim pozivom.
3. E-mailom – dostavljanjem skeniranog formulara, koji je moguće preuzeti na zvaničnim web stranicama Investicijske fondacije Impakt (www.impakt.ba), putem e-mail-a info@impakt.ba, potrebno je priložiti i dokumentaciju traženu Javnim pozivom.
4. Online prijavom - putem linka google obrazac, potrebno je priložiti i dokumentaciju traženu Javnim pozivom.- <https://forms.gle/RuxfN5Bj4usYM1DdA>

Svi aplikanti koji svoje prijave budu dostavljali elektronskim putem prilažu dokumentaciju skeniranu u boji, a u slučaju odobravanja njihovog učešće u IMPAKT Akceleratoru na području Tuzlanskog kantona, imaju obavezu dostavljanja i štampane dokumentacije, u skladu sa zahtjevima iz Javnog poziva.

Prijave na odgovarajućem prijavnom formularu podnose se najkasnije do petka, 05.04.2024. godine, što je ujedno i posljednji dan za podnošenje prijava.

Gdje mogu dobiti više informacija?

Više informacija moguće je dobiti na telefon na broj telefona: 033 207 812, kao i e-mail-a info@impakt.ba.

U svrhu adekvatnog informisanja o programu, Investicijska fondacija Impakt i Ministarstvo privrede Tuzlanskog kantona organizirati će online prezentaciju IMPAKT akceleratora sa

fokusom na adekvatno popunjavanje prijavnog obrasca, putem Zoom aplikacije i to: 15.03.2024. godine u 14.00 h, kojoj je moguće pristupiti putem linka:

<https://zoom.us/j/97386235304?pwd=LzQwSDRnOW1hZjB2VkpPNDFIRXl1Zz09>

Meeting ID: 973 8623 5304

Passcode: 611896

Pozivamo sve zainteresovane da prisustvuju prezentaciji Javnog poziva.